

# Dèwà Se Pól Kɔe Lè Fìlèmôn

<sup>1</sup>Mùn Pól ne ke nye njè ntwi' se mùn ni mwum Nyeli nye' Yesù Kristò, mùn ne ta byin dèwà ton se koi, bwi' lè ngyinni nye' Tìmòtè. Bwi' ta son koi lè wù Fìlèmôn, nɔwè nye' ne bwi' ta she fɔ' cí lè byin. <sup>2</sup>Bwi' kɔ' tì ku' son lè ngyinni nye' nyě mlib Àpeà, bon lè Àrshíb nyě bwi' ta bɔli lè nun ke mbyi Mvènnswàb nun, kònnɔdi lè bɔwum bye fɔ' bye ta kín Mvènnswàb keli dɔwon nywù. <sup>3</sup>Ce ndwun nye' Mvènnswàb bon lè Nyeli nye' Yesù Kristò ngyènni byin, be fe byin fɔa.

## Nyili ye Pól tã Mvènnswàb osòkò' yili ntwi' Fìlèmôn

<sup>4</sup>Kwan se mùn tã Mvènnswàb keli lè jin swù, mùn tã nun osòkò' yili kwan hwæn, <sup>5</sup>ntwi' se mùn ywɔá mbòkì ne wù tã bɔwum Mvènnswàb hwæn yili, lè ndyili nlim ye wù tã dɔyili nywi Nyeli nye' Yesù. <sup>6</sup>Mùn tã Mvènnswàb keli bǎ tòn nlim fɔ' ye bwi' ta tòn lè bɔwum Mvènnswàb ke ndyili nlim ye bwi' ta dɔyili nywi Yesù Kristò, ye kpa' bwi' lè bwi' fɔsi ywum lwukea ye Mvènnswàb fe bwi' fya' Yesù Kristò ywo. <sup>7</sup>Ngynni nyèm, ñlim lwukeá mùn ñzwɔnzwɔ', wù kònnɔdi tì mùn ñlim kimnzi mbòkì ne wù tã bɔwùlu bɔwum Mvènnswàb yili, wù kònnɔdi bon zwùm tètì.

## Pól tã Fìlèmôn pyitea me kwù ke ntwi' Ònèzìm

<sup>8</sup>Li ne ci, mùn swula' wu le wù ci swum se mùn yě wù shě. Ke mùn ni ci-ntwum Yesù Kristò, mùn cinni ñkimmɔ' ye mùn wòli mùn shè wù le: «Cì swum she lwen.» <sup>9</sup>Son, mún tã ka wu son fe fya' lè ñkimmɔ', mùn pyità' wù me kwù, ntwi' se nyili yi ke nyinnim she' bwi' lè wù. Mùn Pól, ñdwebshì nyě ke nye njè lè ntwi' Yesù Kristò, <sup>10</sup>mùn ne ta wu pyitea me kwù ke ntwi' Ònèzìm. À ni mwen nyèm ntwi' se à dúnmi ñlim ké lè Mvènnswàb fya' yém. Mùn ti fe nye njè wě ce nyon. <sup>11</sup>Kwan se be mbyí, á be kàn wu kpea ñzwɔnzwɔ', son jene, à yě bwi' kpea ñzwɔnzwɔ' bwi' lè wù.

<sup>12</sup>Mùn fyime wù nun be. À ni mbanmbɔ' wě ñlim yém. <sup>13</sup>Mún yilè le bwi' ton fe lè nun, bǎ nun kpa' mùn ke bàn swù nun kwan se mùn ni fe

nye njè ke ntwi' se mún tǎ Ñtwum Yesù Kristò shě. <sup>14</sup>Son, mún yili kan mún ci li kwan se wu yili kife'. Mún yili kan mún ci wù dòlè' le wù ci mún lwen. Mún yili le wù kpa' mún ke mkpa' ywù nun.

<sup>15</sup>Shindɔ' Mvènnswæb ne yile kwan kwæ' se Ònèzîm kwan wù fya' si à kèn pefin, bǎ kwan se nun yě fyònni, byin ton mbanmban kwan hwæn. <sup>16</sup>Jene, ǎ su' kan ti son, à lwuâ fe' à làn li, à ni ŋgyinni nye'. Mún, à ni mún ke nlim nun. Ti lè wǔ, mún limmi le wù yě nun yili, se lan ma li, ntwi' se à ni cì swù mè làn mbi. À ni son nywù, à be tì ŋgyinni nywù ke mbyi Yesù Kristò nun.

<sup>17</sup>Beshe wu tà mun tweli wě mwum nywù, yè nun wě tà she mún ne' ne wu yeè. <sup>18</sup>Swum se nun gwànnzi wù, lè ke swù se nun ke nywi hwæn, kè yon ke ntan yêm nun. <sup>19</sup>Mún Pól, mún ne' ne kɔ' cìcì se ton se lè fyà' yêm le: «Mún ne ye wù dèbbi.» Limmi le bwi' cinni ke bwi' lè wù, ke màzwùm si ñzison swù she nywæb she wu cinni ke mbyi Yesù Kristò nun. <sup>20</sup>Ke à si li, ŋgyinni nyèm, cì mun swum màzwùm lè ntwi' Nyeli nye' Yesù Kristò. Lwuli mún ñlim zwum, ntwi' se bwi' bi bwum fɔ' ke mbyi Yesù Kristò nun. <sup>21</sup>Mún limmi le dèwà se mún tà wu kɔa se, wù yě swum se mún tà wu cibbi cí. Mún limmi le wù yě cì se lan ma li.

<sup>22</sup>Swum shindɔ' she mun yili mún she wù, à si le: «Fɔsi mún cí nòn ntwi' se mún tǎ fɔkà' le ke ntwi' me ŋkeli nyin, Mvènnswæb yě cì mún bĕn cì shin.»

### Mmlòkà' me hwæsi

<sup>23</sup>Èpàflá ne bwi' bi nye njè bwi' lè nun ke ntwi' bwi' bi bwum Yesù Kristò, à hwæsi wù. <sup>24</sup>Bwùlukwæn she byêm, Markù, Àrìstakù, Demà lè Lukasi, be hwæsi tì ku' wù. <sup>25</sup>Nyeli nye' Yesù Kristò ŋgènni byin.